

18. marts

**Inuit Pisinnaatitaaffii pillugit Sullissivimmik pilersitsinissaq sulissutigeqqullugu aamma Naligigiimmik pineqarnissaq pillugu Ataatsimiititaliamik pilersitseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Inuit Pisinnaatitaaffii pillugit Sullissiviup Inuit Pisinnaatitaaffiinut Kalaallit Nunaata Siunnersuisooqatigiivinik allatsitut sullissineq tigussavaa taamatullu Naligigiimmik pineqarnissaq pillugu Ataatsimiititaliaq allatseqarfittut sullisissallugu.**

(Inatsisartunut ilaasortaq Aaja Chemnitz Larsen, Inuit Ataqtigiit)

Inuttut pisinnaatitaaffiit pisinnaatitaaffiupput inuit tamarmik pigisaat, aamma Kalaallit Nunaani. Siumumiit pingaartittuarneqarpoq, inuit pisinnaatitaaffii nunatsinni atuutissasut, pilersikkumallugit Nunatsinni inuiaqatigiit naligiissitaaffiusut apeqquataatinnagit sumi inunngorsimaneq, arnaaneq angutaanerluunniit kiisalu sumilluunniit upperisaqarneq.

Pisinnaatitaaffiit taakku inunnguuseralugu pisinnaatitaaffiupput annaaneqarsinnaanatillu, inunnut tamanut atuuttuullutik.

Inuit Pisinnaatitaaffii pillugit Sullissivimmik pilersitsinissaq sulissutigeqqullugu aamma Naligigiimmik pineqarnissaq pillugu Ataatsimiititaliamik pilersitseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut tunngaviumik tapersernarpoq, aammattaaq naqissusertigu Kalaallit Nunaanni Inuit pisinnaatitaaffii nunarsuarmioqatigiinnut tamanut atuuttut illersussallugit Siumumiit isumaqarpugut.

Nalunngilarput ullumikkut inuttut pisinnaatitaaffiit pillugit kifartuussineq Nunanut Allanut naalakkersuisoqarfimmiit aammalu Danmarkimi Institut for Menneskerettigheder suleqatigalugit ingerlanneqartoq. Aaqqissuusineq sivikittuinnarmik ingerlasimasoq, sulii ilinniarfiusoq naatsorsuutigineqarsinnaavoq.

Taamaattoq oqaatigisariaqarpoq sulineq inuttut pisinnaatitaaffiit pillugit siunnersuisooqatigiinni sivikuittuinnarmik ingerlanikoq, naalakkersuinikkut siunnerfiuvoq misilittakkat annertunerusut pigineqalerpata, tunngavissaqarluartumik nalilersuisoqarnissaa siunnerfiusoq mannangaaq Siumumiit taperserattigu.

Aammattaaq Siumumiit maluginiarparput aningaasartuutit qaffanneqartussat uuma siunnersuutip malittigisaanik, taamaattoq tikkuunneqanngilaq suminngaanniik aningaasat aaneqassanersut, suna alla susassaarfik ilaanngaaffigineqassava?

Ullumikkut siunnersuisooqatigiit kifartuunneqareersut, kingusinnerusukkat misilittakkat nalilersuinerillu atitunerusut pereerpata, tunngavissaqarnerusumik oqallisigeqqissinnaanera ammaffigaarput.

Taamaamat siunesuut una taamatut isikkoqartillugu Siumumiit itigatinnissaa innersuusutigaarput.

Jens-Erik Kirkegaard  
Siumut.